

SAMÞYKKTIR FYRIR HÉRAÐSNEFND DALASÝSLU.

Öll sveitarfélög Dalasýslu hafa orðið ásátt um að stofna með sér héraðsnefnd samkvæmt 6. grein sveitarstjórnarlaga nr. 8/1986 og hafa sett nefndinni svofelldar samþykktir:

I. KAFLI. ALMENN AKVÆÐI UM HLUTVERK

1. gr.

Heiti nefndarinnar er Héraðsnefnd Dalasýslu.

2. gr.

Starfssvæði nefndarinnar er Dalasýsla og hafa öll sveitarfélög á því svæði sjálfstæða aðild að nefndinni.

3. gr.

Verði sveitarfélög, sem aðild eiga að nefndinni sameinuð, yfirtekur hið nýja sveitarfélag eignir og skuldbindingar hinna fyrri sveitarfélaga gagnvart héraðsnefndinni.

4. gr.

Merki Dalasýslu skal vera merki Héraðsnefndar Dalasýslu.

5. gr.

Verkefni héraðsnefndarinnar skulu vera þessi:

1. Verkefni þau, sem sýslunefnd eru nú falin með lögum.
2. Verkefni þau, sem sýslunefnd eru nú falin í skipulagsskrám og samþykktum sjóða og stofnana.
3. Samgöngumál.
4. Menningarmál.
5. Þátttaka í rekstri héraðsbókasafns, byggðasafns og annarra safna sem ákveðið kann að verða að koma upp.
6. Sveitarstjórnarmál, sem varða héraðið sem heild, svo og tillögur um hvað eina sem verða má héraðinu til gagns eða til að afstýra atvinnuleysi og bjargarskortí.
7. Verkefni, sem varða héraðið sem heild eða hluta þess, og sveitarstjórnir, sem aðild eiga að héraðsnefndinni, samþykkja að fela henni.
8. Verkefni, sem héraðsnefndum kann að verða falin með lögum.
9. Fjallskilamál.
10. Almannavarnir og öryggismál.
11. Brunarvarnir

II. KAFLI. HÉRAÐSNEFND OG KOSNING TIL HENNAR.

6. gr.

Sveitarstjórnir, sem aðild eiga að héraðsnefnd, skulu á fyrsta fundi að afloknum hverjum sveitarstjórnarkosningum, kjósa héraðsnefndarmenn úr hópi sveitarstjórnarmanna, einn fyrir hverja 200 íbúa hvers sveitarfélags, eða brot úr þeirri tölu, og jafnmarga til vara. Kjörtímabil héraðsnefndar er hið sama og sveitarstjórna.

7. gr.

Héraðsnefnd fer með stjórn héraðsins samkvæmt ákvæðum samþykktu þessara og ber að sjá um að þau verkefni, sem henni eru falin séu rækt, og að fylgt sé þeim lögum og reglum er þar um fjalla og eru sveitarstjórnir bundnar af samþykktum hennar.

8. gr.

Héraðsnefnd kys oddvita og varaoddvita úr sínum hópi til fjögurra ára í senn. Deyji oddviti eða forfallist varanlega, skal kjósa nýjan oddvita. Héraðsnefnd er heimilt að kjósa nefndir og ráða starfsmenn til að annast framkvæmd þeirra verkefna, sem héraðsnefnd eru falin.

9. gr.

Um skyldur og réttindi héraðsnefndarmanna fer eftir ákvæðum IV. kafla sveitarstjórnarlaga nr. 8/1986, eftir því sem við getur átt.

10. gr.

Héraðsnefnd getur ályktað um hvert það efni er hún telur varða héraðið og hagsmunum þess.

III. KAFLI. HÉRAÐSNEFNDARFUNDIR

11. gr.

Oddviti fjölmennasta aðildarsveitarfélags héraðsnefndar skal kalla hana saman til fyrsta fundar að afloknum sveitarstjórnarkosningum, eigi síðar en 15. júlí. Hann stýrir fundi þar til oddviti hefur verið kjörinn. Á fyrsta fundi nýkjörinnar héraðsnefndar skal kosið í stjórnir, nefndir og aðrar trúnaðarstöður á vegum nefndarinnar. Þá skulu einnig kosnir tveir endurskoðendur og tveir til vara, allt samkvæmt nánari ákvæðum í fundarsköpum nefndarinnar.

12. gr.

Héraðsnefnd skal halda aðalfund árlega, eigi síðar en 15. júlí. Til aukafunda skal boðað er þörf krefur að mati héraðsráðs eða framkvæmdastjóra, eða ef fjórðungur héraðsnefndarmanna krefst þess.

13. gr.

Héraðsnefnd setur sér fundarsköp, en þar til það er gert skal farið að almennum fundarsköpum sveitarstjórna.

14. gr.

Oddviti eða framkvæmdastjóri boðar fundi héraðsnefndar, og ákveður jafnframt fundarstað og fundartíma í samráði við héraðsráð. Fundir héraðsnefndar skulu boðaðir á tryggilegan hátt og með dagskrá með minnst viku fyrirvara.

15. gr.

Héraðsnefnd er því aðeins ályktunarfær að meira en helmingur héraðsnefndarmanna sé mættur á fundi. Við atkvæðagreiðslur ræður afl atkvæða. Séu atkvæði jöfn fellur málið, en við kosningar ræður hlutkesti milli þeirra sem jöfn atkvæði hafa.

16. gr.

Oddviti stjórnar umræðum og afgreiðslu á fundum héraðsnefndar og ræður fundarritara. Fundarmenn skulu undirrita fundargerðir.

17. gr.

Heimilt er að kalla á fundi héraðsnefndar, forstöðumenn stofnana á vegum nefndarinnar, eða aðra, til skýrslugjafar um einstök málefni.

IV. KAFLI.
STJÓRNIR, RÁÐ OG NEFNDIR

18. gr.

Héraðsnefnd kys héraðsráð úr hópi kjörinna aðalfulltrúa í héraðsnefnd, til eins árs í senn. Í héraðsráð skulu kjörnir tveir aðalmenn og jafnmargir til vara, en auk þess er oddviti héraðsnefndar sjálfkjörinn í héraðsráð. Framkvæmdastjóri situr fundi héraðsráðs með mál-frelsi og tillögurétt.

19. gr.

Héraðsnefnd er heimilt að ráða framkvæmdastjóra í hlutastarf eða fullt starf. Framkvæmdastjóri hefur umsjón með reikningsfærslu og fer með framkvæmda- og fjármálastjórn í samráði við héraðsráð.

20. gr.

Héraðsráð kys sér sjálft formann, sem stjórnar fundum ráðsins og kveður það saman til fundar svo oft sem þurfa þykir í samráði við framkvæmdastjóra.

21. gr.

Um stjórnir, ráð og nefndir á vegum héraðsnefndar gilda að öðru leyti, eftir því sem við getur átt, ákvæði VI. kafla sveitarstjórnar-laga nr. 8/1986.

V. KAFLI.
FRAMKVÆMDASTJÖRN OG STARFSLIÐ HÉRAÐSNEFNDAR

22. gr.

Framkvæmdastjóri undirbýr fundi héraðsnefndar og héraðsráðs og hefir á hendi framkvæmd þeirra ákvarðana, sem þessir aðilar taka. Framkvæmdastjóri er prókúruhafi héraðsnefndar og yfirmaður starfsliðs nefndarinnar og stofnana hennar. Framkvæmdastjóri undirritar skjöl er varða kaup og sölu eigna héraðsnefndar, lántökur og ábyrgðir, svo og

önnur skjöl sem fela í sér skuldbindingar eða ráðstafanir sem samþykki héraðsnefndar þarf til.

23. gr.

Starfsmenn við stjórnarsýslu héraðsnefndar hafa réttindi og skyldur opinberra starfsmanna.

VI. KAFLI.
FJÄRMÁL HÉRAÐSNEFNDAR

24. gr.

Reikningsár héraðsnefndar er almanaksárið. Aðalfundur héraðsnefndar skal afgreiða fjárhagsáætlun yfirstandandi árs. Fram að aðalfundi er héraðsráði heimilt að láta innheimta framlög frá aðildarsveitarfélögum samkvæmt bráðabirgðaáætlun.

25. gr.

Tekjustofnar héraðsnefndar eru þessir:

- a. tekjur af eignum.
- b. lögboðin framlög ríkis og sveitarfélaga til einstakra verkefna, sem undir héraðsnefnd heyrar.
- c. sala á þjónustu.
- d. framlög aðildarsveitarfélaga skv. 26. gr.

26. gr.

Það sem á vantar að tekjur héraðsnefndar skv. 25. gr. a til c nægi til að mæta áformuðum útgjöldum ársins samkvæmt fjárhagsáætlun, skal jafnað niður á aðildarsveitarfélögin, að hálfu eftir íbúatölu og að hálfu eftir skattmati fasteigna, sem ekki eru undanþegnar fasteingna-skatti, í hverju sveitarfélagi fyrir sig, miðað við 1. desember, næsta ár á undan. Gjöldum þessum skal skipt í mánaðarlegar greiðslur. Verði dráttur á greiðslum frá sveitarfélögum skulu reiknaðir dráttarvextir.

27. gr.

Sveitarsjóðir aðildarsveitarfélaga bera einfalda ábyrgð á skuld-bindingum héraðsnefndar, en innbyrðis skiptist ábyrgðin í samræmi við 26. gr. samþykktanna.

28. gr.

Reikningar héraðsnefndar og stofnana hennar skulu endurskoðaðir og áritaðir af kjörnum endurskoðendum í samræmi við 84. til 87. gr. sveitarstjórnarlaga nr. 8/1986. Þannig skulu þeir lagðir fyrir aðalfund héraðsnefndar til afgreiðslu.

VII. KAFLI.

ENDURSKOÐUN OG BREYTINGAR Á SAMÞYKKTUM

29. gr.

Til breytinga á samþykktum þessum þarf samþykki 2/3 hluta þeirra sveitarstjórna, sem aðild eiga að héraðsnefndinni, nema um sé að ræða breytingar, sem leiða af breyttri löggjöf. Samþykktirnar skulu endurskoðaðar þegar tvö ár eru liðin frá gildistöku þeirra og síðan á tíu ára fresti. Um úrgöngu einstakra sveitarfélaga úr héraðsnefnd eða niðurlagningu hennar, gilda ákvæði 102. og 103. gr. sveitarstjórnarlaga nr. 8/1986.

VIII. KAFLI.

YFIRTAKA OG UPPGJÖR EIGNA OG SKULDA

30. gr.

Héraðsnefnd Dalasýslu tekur við eignum og skuldum sýslusjóðs Dalasýslu frá og með 1. janúar 1989.

IX. KAFLI
GILDISTAKA

31. gr.

Samþykktir þessar taka gildi 1. janúar 1989. Sveitarstjórnir, sem aðild eiga að héraðsnefndinni, skulu hafa kjörið fulltrúa sína í nefndina fyrir 31. desember 1988. Kjörtímabil þeirra skal vera fram til næstu reglulegra sveitarstjórnarkosninga.